

序

古有詩而無詩人世皆知詩之爲而莫知其所以爲知所以爲者性情而莫知其所以爲性情自有韻有格有十科有二十四品有種種忌病于是有詩人假物託興含毫邈然聲諧金石律中宮商詩無定轍何妨各自成家惟自以爲是者終不能見右人之大此病昌黎尙不能免何況餘子陸機年僅二十漫以緣情綺靡爲詩解之者曰緣情卽言

志之謂夫志有定向當不悖乎聖賢情非一端非盡能止乎禮義且心氣正則文章樂字無琢雕句無襞績足以導揚郊廟覺寤烝黎往往而是故能掃綺靡之習者昔人以正始歸之正未可強爲作解矣說者曰有詩人則未免有無是情而爲之者六朝實倡之余以爲士衡實開之也然則有別長非關學有別趣非關理又豈有合於言志之旨乎古人歌永言之意具見六籍中至夫子標三百爲

元音而虞夏之歌頌仍畱於典冊好學深思心知其故其得以緣情綺靡當之乎抑以別長別趣當之乎夫子於興觀羣怨之外曰事父曰事君曰多識一言以蔽之曰思無邪今觀風之始或稱宮人或稱太姒自作或稱畢公作於康王時終亦不得定爲誰某其編纂則首夫婦次父子次君臣而朋友昆弟皆於後章包之大道如是詩教如是而已陽明王子謂子美太白有造道之資而不能入於



聖賢者詞章綺靡之習有以羈縻之綺靡之誤天下後世者若是則不爲所誤者過人遠矣余故序西庄遺稿而聊述所見如此西庄不自以爲詩人而詩不廢不自以爲詩人之詩而詩以傳是昔之人所謂以餘事作詩人者也綺靡云乎哉

乾隆六十年春三月響泉顧光旭書



西莊遺稿

金匱 王穎銳 甌城

東林書院懷古

龜山載道南東林遺片席絳帳十八年烟雨叢荆棘顧高實倡謀卜築弓河側墜緒一綫延書院名仍昔一遵白鹿規辨難皆心得性道別毫釐此志存一息門外屨常滿立雪深三尺崔魏扇奇禍灰飛餘瓦礫天將喪斯文豈復畱六籍天未喪斯文



斯固有安宅 國朝應昌期鳩工命匠石多士得  
甄陶麗澤皆 王澤歸然魯靈光歲寒見松柏  
明德猶在茲登堂緬前哲

忍草菴畱題

曲徑盤雲長薜蘿精廬深隱古松窩  
濤聲洗耳心逾寂況有鐘魚出貝多

題姚笠山

仔

伯牙撫琴畫扇

素月浮空碧飛梁斷塵迹志已在高山流水周三

疊山中老樹多秋聲泠泠七弦空復情笠山筆妙  
寄深意何不更寫鍾期聽噫鍾期去後無人撫流  
水高山但如許

石門

翠落層巒半鎖煙日長門外瀉寒泉人間處處通  
三島何必懸崖繫鐵船

鐵船無底駕雲濤常掩雙關孰敢敵我是石門門  
外漢只看明月挂松梢



秋砧

砧急何爲者龍沙入夢思寄衣難覓便不是搗衣  
遲

秋燕

淒淒雙燕語梁間社日南辭又北還莫恨秋風催  
太急往來世上幾人閒

秋蟬

秋聲嘒嘒出疎林齊女前身恨最深嗚咽至今難

出口三生哀怨一高吟

秋柳

依依堤柳別離情滿眼青青只送行捎斷鞭絲人  
去盡不曾畱得一聲鶯

崇安寺煮賑和剖成上人韻

四野無烟火三更聽炮聲路編繩徑入

殿中以繩分兩路辨

男女人與竹籌擎食以枯腸倍筐因凍手傾幾家衰

病老空望一杯羹



詩魂

一縷詩魂渺欲仙  
月中難認李青蓮  
離離星斗溥溥  
露何處招呼却上天

詩律

詩律何如軍律嚴  
杜陵老去韻同拈  
細於一髮大無外  
蜀道青天萬點尖

題北禪寺悅可上人夢祖圖照

性海波濤靜身空  
夢不空昔年龜背  
客同入畫圖

中

秋海棠

自是重臺八月春  
誰云情淚灑芳塵  
幾回醉眼朦朧月  
錯認墻東是錦茵

答漢陽趙秋坪見寄作次韻

爲識楊汝士難忘  
李伯時舊圖畱有  
待新咏更休遲但  
擁陳家被將添畫  
裏絲芹香應不遠  
並寄慰相思



客冬覓得蘭溪梅數本一最後開色潔白如  
雪懷中抱子洵奇品也且爲古今題咏所  
未及爰賦小詩二首

孤山玉質亦宜男開後開先總未諳底事春光難  
透漏十分消息半中含

臨風恍似舞霓裳掌裏擎珠額點妝但說寒香沁  
肺腑不知肺腑更藏香

偶詠

我年四十七迢迢歷非少碌碌竟何如積逋慚未  
了昔悲何怙時殘編猶日抱遺債萬餘金還哉古  
管鮑外侮似波生內難諸孤藐貪狼張狼牙毒龍  
施怒爪親朋盡側目飛飛散禽鳥大厦獨木支泛  
應心如擣細雨一孤舟曲膝燈下草巖寒裘在典  
凜凜霜中曉六載坐針毡浪平室如掃朝夕何以  
謀兩殮粥充飽始信貨殖尊悔昔空研討幸聚一  
室歡弟兄歌式好命也復何尤默默同祈禱願得



西東遺稿  
清白死勿伴債中老經營二十年形骸半枯槁有  
券兩代傳直至前年繳祖屋質三千去歲亦完趙  
縱有未償逋計數終較小矢志不負人天憐今日  
表有願天不從胡不三十天半百已將來頭白難  
嫌早溫飽識天心窮乏多自造歌此貽後昆儉勤  
堪永寶

逋清歸券藏示子孫

舊逋纍纍力難酬債似潮添萬斛愁惟恐波平忘

却海券歸長與子孫留

繅絲行

繅絲萬丈絲吐自扶桑枝七日繅不盡皎皎仍紛  
披此任意誰寄忽焉于我貽仔肩自有分代謝亦  
有時龜手非所惜但苦無窮期香蠶迷五色緒亂  
夢如鼂久羨方儲刀斷之今果宜重負一朝釋快  
似然靈犀金爐不受縛浮水亦無灰撫繭復三歎  
初心幸無違



送吳學士易堂赴

闕餞別席上作

翩翩欲向舊蓬萊分手風雲隔水隈  
躑躅一枝紅似火暫畱金馬盡餘杯

愧我西莊貧栗芋羨君東壁最清華  
校書天祿燃藜夜應憶來青小閣茶

題笠山畫報謝

空山闐無人出入麝麝跡朝雲出無心  
夜露松下滴中有避世士高臥鍊精魄  
伊余耽幽者向往心

脈脈負杖遠相尋不憂谿徑窄足下壯氣盤眉間  
塵慮息崇巒阻我前清磬度橫碧我欲尋磬聲遙  
林見歸翼

贈上元孫咸宜必慤

短筇何處可相攀月下泉聲雨後山  
桑苧還遺點茶法好攜茗具聽閒關

望雨

龜拆雨遲遲三農歎失時困龍鞭不起旱魃肆凶



西東遺稿  
災東家布被晨入典一耳焉能救塋畝西家女兒  
初嫁歸脫其釵釧兼嫁衣可憐但供三日耳簷鳥  
喚人脫却布打起簷鳥我不聞五袴何如一片雲

滌硯池

內史春船泊何處

王右軍泊舟崇安寺前見邑志

無多花木在禪

房惟餘滌硯池邊月曾照當年楊硬黃

况瘁吟

我家在郭北門對清流碧舍後有方池洗硯魚吞

墨

唐人句

坐享先人遺花間竹馬騎風雨連牀夜流

螢時映帷食指浩以繁幸免棲無枝不料丙寅夏  
臨池岸忽摧垣傾入烟霧室假芙蓉渡巢破失其  
羣飛向孤煙戍墨突尙未黔臧獲旋猜妬再遷厯  
三冬年年卜渭熊數椽縈蔓艸拮据蔽雨風曲折  
不可料頻年實顛倒詎卜孟氏隣三遷豈遺教况  
瘁復纏綿不殞亦不療造物自無心嗟予時自照  
想積懶惰愆受此辛苦報聊復爲此吟爲告諸年



少

夾竹桃

恍如竹院逢紅雨又似桃源颺酒旗聞有禪師見  
花悟可曾參破此君疑

夏日閒居

幽居風味只蕭然剝啄無能遣世緣鼓腹含飴真  
富貴科頭跣足亦神仙不驚夢寐畱餘地自識鳶  
魚別有天樹底枕書泉又沸起看螭眼竹爐煎

辛未秋舅氏素園爲予寫竹數竿煙雨迷離

生意躍出敬題小詩三章

昔年居郭北有此三數竿烟雨共離披輕風妙團  
團堂上古君子誰與寫清歡

淇園潑綠後一夜長孫枝老可籜龍勢雲林倒影  
姿禿毫轉騰躍簾外鳥飛時

欲把青鸞尾先爲掃世氛只愁明月亂碎影鏤苔  
紋畱挂高堂壁朝朝對此君



客有信宿管社山庄畱詩索和者酬韻二首  
經世慚無術甘從鹿豕遊結廬依介石枉駕識名  
流未遂蓬蒿剪偏邀珠玉投野人傳勝事共說李  
膺舟

浙瀝點疎蓬江湖興不窮須知畱客雨正要打頭  
風壘塊樽澆白推敲燭炮紅莫嫌相和寡才藻讓  
文通

蔣暘谷 震 寫管社墓圖成感賦

萬頃湖波綠一灣松楸鬱鬱半遮山圖成不敢凝  
眸視怕有慈烏在樹間

上巳舟過白雲渡

曲水清湍說會稽蘭亭羣彥共相攜白雲古渡青  
青柳却有黃鸝向客啼

次姚元宰春日早舟韻

詩思宜何地扁舟野渡邊甌餘三白酒人在五湖  
天野屋殘梅落村橋嫩柳偏水窗晴景好絕勝倚



吟轡

吳邑侯愛棠石刻縮本竹爐詩卷得四冊作

歌以紀之

行雲在天不可收人影在地不可留世間萬事一  
瞬耳惟有詩卷堪千秋吾鄉山水勝二泉若明鏡  
泉可汲松可聽聽松菴裏一聲磬清秋韻落芙蓉  
徑老僧性海初出定九龍山人王孟端滿壁滄洲  
鼓詩興遂令厯世多佳詠物換星移光四映昭代

恭逢

天子聖

奎章炳炳臣鄰慶邁古騰今

珠照乘真本裝潢卷軸長縮本墨榻松雲香想當  
羣公攜榼登山堂秦松千尺凌青蒼兩三人坐石  
牀上竹爐無風烟鶴響畫入妙詩堪賞合使煙霞  
常供養如何山靈妬祝融攘聽松菴化平壤當時  
竹爐避何處孤雲飛錫憑來往山川靈秀積有年  
詩畫流傳神不爽我侯迎 蹕侍 鑾輿 上  
賞此卷羣和之謹爲勒石示來茲夏諺並入唐虞



西東遺稿  
詩奔走山夫野老 昇平時

聽雨樓 有序

元至正時吳門盧氏樓曰聽雨張外史倪  
雲林輩各有詩予十四世祖耐軒公作諸  
賢記後此卷歸吾鄉沈氏沈氏構樓藏之  
亦曰聽雨予小築甫成亦以聽雨名樓并

係小詩

宗伯圖成祖德畱青田筆墨繼饒州

樓成倩鄒宗伯小山繪圖

邑侯韓湘  
巖書匾

笑予未得親風雅一上當年聽雨樓

讀勾曲外史聽雨樓詩追和其韻

靜若披雲忙若霧欲徵靜力須忙處雨非獨與幽  
人緣聲却欲隨簷溜去貞居昔日樹珠璣筆淡思  
深趣自閑當暑一吟無着句清涼何似雨聲寒

又和雲林韻

山客昨夜看初洗忽聽清聲落簷底昔人共聽此  
聲長一夢湘簾憑棐几山光都在雨聲中疆畝南



東一硯農玉軸牙籤鴻爪雪翛然想見荆蠻風

送蔣最峰和之奉天

四海爲家輔 帝闡江山環遠接天神書生策騎  
瞻雄麗放眼人間萬里春

丁亥冬將築室於先君墓側掘土得泉答獨

山周方谷韻

新泉遠挾句飛來墨湧泉香亦快哉混混地中何  
處覓涓涓山下忽然開貯瓢明月英靈氣落筆餘

霞黼藻才爲拾松枝與松子墓前烹茗獻吾杯

周方谷畱宿艸廬賦贈二首

我識當時元魯山琴聲常在古松間閒尋好句門  
前立却有風來爲掩關

性僻還如老桑苧茶煎火活亦欣然澹源斲石知  
靈異是處逢山是處泉

問源草廬十六咏

草廬在管社山之西先塋之側鄉人呼爲



西管社余與諸弟歌哭於斯友人周方谷

分題得十六景相與倡和不爲山靈笑乎

古木圍廬

蒼壁四無鄰喬林最可人不教炎作傘仍放月如  
銀繞屋篩涼影參天簸遠春巢鸚多接葉流響半  
藏身

清泉鳴竇

一勺引龍頭迴峯汨細流路深通暗竇響徹入清

秋莫認梁鴻井常邀范蠡舟問源何不竭天降洗  
山阪

風閣松濤

小閣濤聲湧寒鐘入夜和豈逢蒼叟怒常帶白雲  
過句曲興不淺天台路幾多良宵驚破戶或恐是  
鯨波

雪籬梅影

瘦影雪中尋森森沒骨林移燈頻偃仰學水任浮



西東遺稿  
沉疑是羅浮夢依然綺素襟慚無陸凱筆寄與隴頭吟

蘆簾山雨

密雨灑蘅臯平湖霧漸高簾疎畱不捲閣小却相  
遭樹影連橋過風聲逐雁翔此時攜客住清酌有  
山醪

竹窗池月

銀鈎挂潭底月自竇中開桂影參差動蟾光上下

來此君疎似我勾水綠于醅濯魄冰壺客應須沈  
漚盃

石塢歸雲

頗怪歸雲懶爲霖合上天無風時出谷有月半藏  
烟平碧封山徑餘青帶水田世間遙望處却道此  
中仙

柴門落葉

山色青如許秋林漸露梢不風而自墮索句若爲



西齋遺稿  
敲地火添霞氣天霜滿水均君看烏返哺上下補  
寒巢

柳汀漁火

點點白于星湖光暗柳汀斷橋穿葦港缺岸照柴  
局明滅聽行鱉高低看聚螢老漁偏罷釣買酒過  
棋亭

野寺僧鐘

殘月敲頻落朝曦撞却升何年開野寺此事付山

僧響徹天人界音傳遠近微因之發深省參破一  
層層

夕照歸帆

片片暮雲低行行管社西織蒲張十幅如練接雙  
溪遠帶餘霞上平收暝色迷長風聞隔浦窗外卸  
帆齊

寒沙落雁

就暖偏冰雪支更爲稻梁北風橫一字南浦下三



行爪印泥沙出琴聲玉軫揚此間春色早切莫過

衡陽

羣峯積雪

五湖天一色層出玉芙蓉皓潔乾坤體嶮崎山澤

容小成山名冬夏雪大醉億千鍾酒渴思吞海青天

騎白龍青蓮句

邨樹籠煙

非霧還疑雨連山又隔邨春原迷野燒寒食尙朝

殭柳色青堪染蘋花白轉昏杜陵畱老眼搜句一  
招魂

蓮塘秋漲

彼美知何許紅衣襯綠裳三江雜雲雨一夜夢瀟  
湘霧氣蒸菰米濤聲撼麥光新涼閒不得秋色滿  
蓮塘

蘆花風色

蘆花頭盡白風色一天寒水落平沙岸濤迴亂葉



灘橫斜迷雁陣來去沒漁竿疑是催詩雨行吟向  
晚看

題方谷詩稿

一語深入十日思秋光多入鹿崖詩

方谷集名山重水

複何從覓島瘦郊寒不自知五柳門迎陶靖節扁

舟人指陸天隨只言聖世無隱士樂道安貧

更是誰

酬方谷坐西庄樹下之作

古樹日夜綠芳意不能歇幽人清若仙持斧向月  
窟放情縱遙目雲與水空濶靜境契閒心林鳥亦  
求匹却吟裴迪句何處尋磨詰俄然片雲生爲補  
一峯缺去來無定時翳翳雲吐月

草廬雜咏

老漁歸棹喚樵休滿徑蟲聲四壁秋明月被山遮  
未吐清光先上樹梢頭

石根野菊夜生香自酌邨膠試鱗黃野鶴不知孤



立久忽驚涼露滿衣裳

幾多清味屬山家又看蜂衙入柳衙氣候亦知昏  
旦變春秋佳日爲誰賒

旭日初升自海東明霞一片萬山中樓頭揭起疎  
簾看看煞青峰漸映紅

王烈女

女字周未嫁聞夫訃  
越宿自經得合殯焉

直令數尺冰綃上獨有千秋大義懸青史名揚無  
死日巴人聊記捨生年

咏薔薇

堅貞微示刺牽衣誰爲葡萄並賦稀一自邊鸞工  
設色多將人事奪天機

送錢月川歸紹

君不見漢水安滄亭一年兩撫庭中柏又不見西  
庄株守翁鬱鬱半生愁作客男兒踏地志四方江  
水何曾限南北行藏各任性所之不可轉兮如介  
石廿年聚首樂何極尋花問月山泉側荷風香氣



引歸帆射潮氣槩猶存昔從今小閣榻空懸茫茫  
世事君休戚昔年管鮑交千載難再得惟餘身後  
名人生不滿百若耶溪畔子陵臺會稽山中靈運  
屐天趣須從性分求莫更遐思雲夢澤

上元日省墓適顧晴沙觀察枉過草廬

地偏市遠閉柴荆不道尋詩駐旆旌疎野若容寬  
禮數鳬鷺多向水濱迎

清風徧拂玉門關直爲林泉匹馬還三徑蓬蒿數

叢竹家私無過舊湖山

慈雲寺送顧玉亭

宮嶧

之宣州

征鞍暫息舊山隈王儉飛書又見催池畔蓮花爭  
似幕碧筒好作餞君杯

倚樓何處說行藏應憶忘機石作床管社山中一  
輪月秋來先照樹頭黃

哭四弟

十年依墓守湖濱負土心情出負薪一自弟兄三



友得半教骨肉九泉親

余兄弟四人今三四皆歿矣

我於人世

亦何好室有天倫未是貧灑淚空山嗟獨立竹籬  
茅舍四無鄰

吾弟生來有佛緣袈裟欲證上乘禪道源世俗稱  
三教秋水尋常灌百川路判死生車載鬼性耽邱  
壑橐巢仙茫茫萬事從何說讓棗分梨記膝前

又四絕句

孟蘭赴會是歸期不算人間死別離欲語終然無

一語彌留片刻不教遲

燒却蒲團火力微孔門言孝重無違如今淨洗身  
心後特地還君无垢衣

折葦秋江洗鉢餘欲從面壁問真如夜臺此日如  
相証一襲袈裟一木魚

雁落霜天斷一繩紫萸重把問南能不須更到毘  
盧閣直上蓮臺看鬼燈

六月八日宴吳雲峰在陸蔣鶴親諸類谷及



家素園卽席賦此

窗鳥語偏幽相看共白頭如何百年內不作片時  
休荷氣欲忘暑竹聲宜帶秋碧筒今在手聊當海  
中等

顧大玉亭交盟車笠誼托葭莩富撫軍瓣香  
素印絳帳重開方慶兩代師資忽歎一朝  
物故附身附柳盡禮盡情睹河畔之千旌  
奚啻中丞執紼誦池邊之詩句恍如華表

遺音不惜東施效顰以代西州長慟

夢魂我昨過南山不信相攜分已慳今夜月明湖  
水濶朗吟應在古松間

賦雀田間問顧歡琅玕碧玉話平安風摧雪壓看

逾痛扶起庭前兩白鸞

君有  
二子

重開絳帳幾朝昏高密談經品益尊厚祿故人千  
里別梅花一夜返幽魂

千紅萬紫待春頒三尺冰簷雪後潺向友堂西花



自發更無人語夕陽山

檢得俞十一寫贈蘭花文石追悼成句

仙露作明珠回看已欲無清芬三五葉流韻到根株

輓剖成上人

小樓聽雨小春天與佛同龕抱佛眠一點俗緣猶未斷畫圖詩句並畱傳

周東溪石門尺幅

門自何年設乾坤巧琢輪雲興疑有竇泉滴問無津境僻吟人少情幽畫作真東溪遺墨妙古蹟一時新

題後聽雨樓記冊

聽雨樓成至正間青田才子繼蘇仙卽今後記追前記逸興傳流四百年

竹夫人

春意感薰弦輕紗籠靜娟心虛寧妬寵節勁不求



憐涼月窺新夢清風想宿緣榮封何代錫作合信

由天

壻蔣起元 善長編

男 日注

曉菴

孫

蕙林

佩芬校

芝林

佩青校